



Vorrede

An den günstigen Leser.

Erebet der gewesene/ gelehrte vnd weltweise Heynd Cicero lib. 5. de finib. also: Tantus est innatus in nobis cognitionis amor & scientia, vt nemo dubitare possit, quin ad eas res hominum natura, nullo e-
molumento inuitata, rapiatur. Videmus uē vt pueri ne verberibus quidem à contemplandis rebus; perquirendisque deterreantur, aut pulsi requirant, & aliquid se scire gaudeant, vt aliis narrare gestiant. Ds
ist auff Teutsch so viel gesagt: Es ist vns Menschen ein solche Lieb vnd Begierde etwas zu wissen vnd zu erfahren angeboren/ daß niemands daran zweifeln/ sondern selbst bekennen vnd sagen muß/ daß der Menschen Natur/ wann sie auch schon keinen Nutzen darvon hat/ gleichsam getrunken/ vnd also zu reden/ hingerissen wirdt/ etwas zu wissen vnd zu erfahren. Wann die kleine Knaben einmal etwas seltsames an einem Ort sehen/ da haken sie sich auff solches alles wol zubesehen/ vnd können auch durch streich darvon nicht abgehalten werden/ ja sie streuen sich etwas zu wissen/ damit sie andern auch etwas erzählen mögen. Wie nun nach dem Lußspruch vnd Zeugnis Ciceronis die Begierde zu wissen dem Menschen angeboren: Also ist eben diese Begierde in vieler vornehmer Dapfferer Personen vnd Helden Herzen so groß vnd stark gewesen/ daß sie sich nicht begnügen vor sich selber viel zu studiren/ zu lesen/ vnd alles/ was in ihrem eygnen Vaterlande denckwürdig zu sehen vnd zu mercken/ auffzuzeichnen/ sondern auch/ daß sie sich mit eusserster Leib- vnd Lebens gefahr auch in ganz frembde/ vnbetandte/ weit abgelegene Landtschafften vnd Insuln begeben/ der selbstgen Einwohner Religion/ Vltten Ordnung/ Sitten/ vnd Gebrauch zu erforschen vnd außzukündigen: Vnd eben dieser angeborenen rühmlichen Begierde zu wissen/ welche ohn allen zweiffel der allein weise Gott in etlicher vornehmer dapfferer Personen vnd Helden Herzen den Menschen zum besten hat vermehret vnd gestärcket/ haben wir nächst Gott zu danken vnd zuzuschreiben das jenige/ was dir/ Günstiger lieber Leser/ von fernerer/ weitläufftigerer/ vnd zugleich auch gründlicherer vnd warhafftigerer Beschreibung des Newen Engellands/ der Landtschafft Virginia, der Insul Bermudæ, genänt die Sommers Insul/ Brasilien, Guianæ, vnd Terræ Australis, wir inn diesem Tractat zu mehrer Nachricht vnd Vollkommenheit præsentiren/ vnd kan die hand zu lesen geben: Welches dann der günstige Leser zu kausen vnd zu lesen ihm desto mehr soll belieben lassen. Erstlich/ Die weil die jenige Landtschafften/ deren auch in etlichen vorhergehenden außgegangenen Theilen Bericht beschicht/ mit allein viel gründlicher/ als zuvor/ beschrieben/ sonder auch etliche ganz
Neue